

Ingasi namhlanje, Sekhametsi!

Itlolwe nguMabel Mnensa

linthombe nguChantelle noBurgen Thorne

USEkhametsi uyazizwa bonyana namhlanje kuzoba lilanga elikhethekileko.

Uqala amateki namakowusu wakhe ngaphasi kombhede. Uqala ibhrugu lakhe elifitjhani ngemva komnyango.


“Ukukhwela phezu kwefledzi yekhaya kungaba liqhinga elihle khulu. Mhlamunye ngingafumana ubuphaziphazi.”

“Awa-ke. Ingasi namhlanjesi, Sekhametsi,” kutjho uMma.

“Akukghonakali bonyana uzisilaphaze. Khamba uyokuhlamba,” kungezelela uBaba.

USEkhametsi adubhule. “Ngathana ukghari uSindi gade alapha gade azokuya nami phezulu emafulelweni angitjengise ubuphaziphazi negolide.”





Ngemva kokudla isidlo sekuseni, uSekhametsi wabona abangani bakhe badlala enzasi. Mhlamunye kuzakuba lilanga elikhethekileko ekugcineni.

Uqala uMma noBaba bese uyamomotheka. “Lilanga elihle lokudlala umgutha. Ngingayokudlala?”

UMma wanyikinya ihloko. “Awa-ke. Ingasi namhlanjesi, Sekhametsi. Angekhe kwakghoneka bonyana usilaphazeke. Hlala eduze kwami.”

USEkhametsi adubhule. “Ngathana ukghari uSindi gade alapha gade azongivumela ngidlale nabangani bami. Bengidlumbana namhlanjesi kuzoba lilanga elikhethekileko.”

Iphunga lokupheka elimnandi lidosela uSekhametsi ngephunyaneni. Kunepleyidi lamagwinya aphuma isisi etafuleni. Imihlaza, ilethisi, namatamati asikelelwe kobana kwenziwe isaladi. Ingabe likhekhe leliya elingaku-oveni? Mhlamunye namhlanjesi lilanga elikhethekileko ekugcineni! Wanyonyoba wangena azama ukunambitha igwinya linye nje kwaphela.

UMma wabetha isandla sakhe wasisusa, “Awa-ke. Ingasi namhlanjesi, Sekhametsi. Lokhu ngikubekele isikhathi esizako.”



USEkhametsi wasonga izandla. “Ngathana ukghari uSindi gade alapha gade azongivumela nginambithe yoke into, ngitjho nehlama.”

USEkhametsi ungengutjeni yakhe, udubhulile. “Namhlanje akusilo ilanga elikhethekileko nakancani. Kunesizungu khulu.”

UBaba ususa ingubo ehloko yakhe. “Awa-ke. Ingasi namhlanjesi, Sekhametsi. Yiza, ngifuna ukhambe nathi esitetjhini.”



USekhametsi wavuka akwatile. “Ngathana uKghari uSindi bekalapha gade azongivumela ngihlale embhedeni bese angicocele indatjana, nofana zimbili.”

UMma, uBaba noSekhametsi bayakhamba baya ePark Station ngeenyawo. USekhametsi udubhulile ngalokho akhange abone izungu lekosi elilibangana nofana ezwe isiqhema sivuma ingoma yakhe ayithandako ekhoneni. Kungcono abesekhaya, phezu kwendlu nofana abe nabangani bakhe.

“Leli lilanga elimbi kunawo woke,” kutjho yena.

“Awa-ke. Ingasi namhlanjesi, Sekhametsi. Qala!”

UMma noBaba batjho kanyekanye bathi. “Qala!”

USekhametsi waphakamisa amehlo wabona umuntu okhetheke khulu akhamba anqophe ngakibo.

“Kghari Sindi!” warhuwelela, agijima anqophe kukghariyakhe amthanda khulu.

Ukghari Sindi wamqubula ngezandla zakhe.

“Angikghoni ukulinda bonyana sikhwele nawe phezu kwendlu sizicocele. Nofana siyokweqayeqa. Nofana sidle amagwinya sicoce neendatjana?”

“Iye! Langa elihle lokubelethwa, kghari Sindi! Ngazile bonyana namhlanjesi lilanga elikhethekileko.”

“Awa-ke. Ingasi namhlanjesi, Sekhametsi.”

USekhametsi asonge izandla zakhe bese uhlinela ababelethi bakhe.

“Namhlanjesi lilanga elihle khulu kwamambala! UMma noBaba bahleka.



Ingasi namhlanje, Sekhametsi!

Itholwe nguMabel Mnensa • Iinthombe nguChantelle noBurgen Thorne

Izinto esingakhuluma ngazo

Yini engenza ilanga lakho libe lihle khulu kwamambala?

Ngiziphi iinkhathi ezimnandi namkha amakhambo okhe waya kiwo mhlapha nje.

Yini eyenza iinkhathezo zibe ngezikhethekileko?



Ukubonakala

Dweba isithombe sakho "nomuntu umuntu okhetheke khulu" epilwenakho.



Ukufunda

Iba ngufokisi wegama! Qalisisa kuhle indatjana. Ungakghona ukuthola:

- ★ izinto ezilikhomba ongazidla
- ★ izinto ezintathu ongazembatha
- ★ ibizo lomdlalo
- ★ okungenzeka uyibone izulu nalinako




Ukutlola

Tlola umlayezo oya emuntwini okhethekileko epilwenakho umtjele bona kubayini akhetheke kangaka kuwe.



Ubukghwari

Yenza ifreyimu yesithombe osidwebileko. Namathisela isithombe sakho ephepheni lekhabhoksi elikhulu kunesithombe. Dweba umuda magega nomphetho wesithombe. Hlobisa ifreyimu.



Ukwenza

Lingisa zoke izinto uSekhamesti azibona azenza nokghariyakhe lokha wena namkha omunye umuntu afundela iingcenywe zendaba le phezulu.

